

著鄒

逸

廬

詩

稿

鄔子松先生著

逸廬詩稿

奉化文獻編輯處刊行

奉化嚴氏

率眞樓藏板

象肖生先松子鄔



簡 歷

鄔子松先生名友棟。本邑停山西塢人。生於清同治九年庚午（公元1870）十月八日。光緒三十二年丙午廩貢。新學萌芽。與族人創辦懷新從新兩小學。其後講學滬甬鄞南及國外長崎等地。造就甚宏。在長崎時。並備受僑商之歡迎。又兩任本邑縣議會副議長。力為民衆謀福利。而辦理本邑旅滬同鄉會。經數年之擘劃。會基得以鞏固。尤為同鄉所贊許。大戰爆發時。先生方任職中正圖書館。翌年解職家居。以迄於今。高齡七十有八。

竹書謹誌

義

實

聲

華

俞

飛

鵬

印

題

字

一

序

書曰。詩言志。志者詩之源也。孔子曰。不學詩無以言。言者詩之聲也。在心為志。發言為詩。故詩足以表意志。紀興廢。敦倫常。潛移默化。大則忠而謀國。細則明以保身。又豈僅陶冶性情。吟嘯風月已也。然必博洽典籍。出入漢唐。鑽研歲月。綜覈今古。而後探其源。乃能厚。揚其聲。乃能宏。此古人所謂驚風雨泣鬼神者也。吾邑鄔子松明經友棟之詩。殆近似之。子松昔時馳騁科場。蜚聲里巷。得暇喜為吟咏。片言可以明百意。坐馳可以役萬景。朋輩得所作。靡不爭相傳誦。迥非尋常章句者流所可同日語也。民九之歲。余與子松同執教於省立四中。風雨過從。甚相得。既欽其為人。更愛誦其詩。韶華逝水。瞬息三十年。奔走國事。楮墨久疏。偶有所得。旋即棄去。以視子松之張皇氣勢。陟頓終始。相去何啻霄壤。

。子松年近八旬。視聽不衰。而吟咏隨之。置之香山圖畫中。可備大老之列。誠善養其志而獨得詩之厚者也。嚴子竹書函來。為述擬將彙集子松之逸廬詩稿。而謀諸棗梨。附稿來。囑為之序。退公展讀。如對故人。其味似淡而實厚。其律似婉而實嚴。其精微神妙。在流水行雲之間。非出入漢唐。綜覈今古者。曷能臻此。其傳也必矣。余謂子松之才之德。固不待詩傳而後傳之也。急書以遺嚴子。為告子松。其必撫髭大笑。而首肯余言也。是為序。

中華民國三十六年十二月

同邑俞飛鵬拜序於首都糧食部官舍

逸廬詩稿

和胡樵峯韻

蒿瞻大陸等魚沈。旋轉乾坤仰有心。世變莫奇烽火密。春寒差厭雨風侵。爲圖鵬舉身無翼。欲廢蟬吟口不禁。閒坐曉窗時顧慮。世緣無底未嘗深。古今多恨是詩人。寄語殷勤倍可親。屈賈爲嫌文帝世。避秦難覓武陵春。塵寰風會時時變。宦海功名事事新。敝曲續賡非絕調。效顰應計笑東鄰。

輓友弟胡雨硯

切磋曾記卅年前。往事重提益悵然。昆季聯交多寂寞。那堪君復學飛仙。既爲君憐復自憐。文山講學憶年年。愧無卓識造多士。推轂如君仗夙緣。看破紅塵見不偏。向平心願脫纏綿。椿萱此日重相會。應慶秋來月正圓。形迹胥融意見捐。不時几席樂周旋。步趨素稔能循序。泉路今何奪我先。

次韻族文徵先生

先生氣度達寬洪。儀表常縈寤寐中。正理直爭胸有竹。私忱遙祝壽喬松。昔時建築工程大。此日陶鎔學識充。器宇清高誰媲美。凌霄羣仰一飛鴻。閱歷多年願少休。家鄉團聚樂優遊。訓蒙有志和還肅。款客非虛去復留。逸興來時尋竹窟。感情深處見桃投。如公瀟灑真超俗。應謝人間第一流。

自感 仍前韻、

年荒幾度患山洪。復慮干戈起漢中。瘦影恍同秋後菊。愁容聊比歲寒松。立身半爲功名誤。涉世難言氣誼充。况值中天明月夜。那禁鄉思觸征鴻。詩書事業幾云休。只爲謀生作客遊。議席婉辭虛衆望。書城無意愧長留。寒蟬空憶臨風唱。倦鳥常懷覓樹投。畢竟我公胸次闊。潛身泉石順潮流。

留別鄞邑文山諸生

敢將別緒露毫端。教誨諄諄意未闌。休說此時多快樂。要知來日共艱難。後生可畏宜加

癯。老大徒傷莫自寬。時勢英雄相互造。苦功應記嚼熊丸。

留別同事諸君

與君三月共盤桓。寢食同時聚一團。會晤適當天盛暑。別離將及歲嚴寒。詩書有味供研究。教授多方切仰鑽。今昔由來無異致。豈容平勃獨交驩。

留別胡府諸友

霎時話別覺心酸。聽唱驪歌且作歡。二代及門多是鳳。卅年入室勝如蘭。爲逢盛遇常推轂。會有華筵屢聚餐。似此締交真罕有。停雲那得等閒看。

臨別自述歉仄

略把蕪辭灑墨翰。情深甘吐寸心丹。見聞淺近功多負。管教疏慵意未安。幾度轉移離暖席。者番馳騁到華壇。異時滬濱賓朋會。能否文山一樣觀。

賀周蓮菴五十

逸廬詩稿

四

自別文山卽旅申。愧虛朝夕接芳鄰。濂溪風度延彌永。沛國聲名繼有因。甬水寓公交際廣。鄞江話舊往來頻。荀卿遊學年初屆。高適工詩歲却新。製幃如君增美譽。題詩容我寫全真。琳瑯交錯驚人寶。金石儲藏希世珍。周處嚴明均被德。陶潛高潔共懷仁。樂施克嫗純仁美。好學差同彥博倫。致富陶公精舊術。延年彭祖證前身。下惟董子能忘倦。漂麥文通克受辛。歲月五旬初度祝。乾坤六子滿庭春。齊眉嘉耦聲諧鳳。繞膝文孫角似麟。詞賦爭頒華貴侶。斑斕羣壽老成人。髫齡嬉戲從頭憶。大耋年華轉瞬臻。矍鑠如常擔吾道。憂勤不懈勉來旬。釣璜尙父宜應運。車載何妨滯渭濱。

本年備員四中諸交好多投函通問爰假滿城風雨近重陽之句輓轡

五律聊紆積悵 民國九年庚申作

滿城風雨近重陽。秋思秋情兩渺茫。畢竟興高輸杜老。敢將帆順憶滕王。爲謀苜蓿藏鳩拙。徧插茱萸少雁行。三月胞弟梅蓀歿於甬寓世事浮雲皆過眼。耐人尋味只冰霜。

兔走烏飛度隙光。滿城風雨近重陽。鬢衰愧共霜華白。骨瘦羞同菊影黃。增齒原知先減齒。去年五月初度諸友製有屏幃舊裝休冀學時裝。秋聲一賦百回讀。半觸詩腸半酒腸。

棘闌五度絆塵韉。倖列成均已踰量。半世功名皆泡影。滿城風雨近重陽。青燈對榻花無

語。古硯爲田稻未香。惟有一端差自慰。攷風如願涉扶桑。

會充日本長崎時
中學校教員四載

葉落梧階一味涼。登高佳節倍思鄉。東脯優渥難完債。家信平安抵餽糧。舊日詩文多掃地。滿城風雨近重陽。欲窮勾甬南江勝。秋水連天夜渡航。

校址前臨大江
往來船舶不絕

聊將俚句補詩囊。約略終嫌語未詳。繞膝兒曹虛教育。

小兒謨燈輝
業甲種工校

知音僚友半淪亡。蒿

瞻大陸成荆棘。漫說同門萃狷狂。最是故人來不易。滿城風雨近重陽。

輓烏門張夫人

金音玉度震名鄉。鍾郝芳徽孰頡頏。樂善有心常著美。遺書無字不生香。淚流壓蹇奔波遠。恨逐彌留至日長。歎息豐碑高插處。東風啼鳥泣斜陽。

賀孫表卿君六十

同方同志復同年。總角論交在眼前。豹隱常披儒素服。鷗閒誰識孝廉船。梓桑造福功多有。蘭桂騰芳福自縣。百代光陰如過客。斯文壽世是真傳。

又代唐某

早歲芹香修盛遊。名馳六邑騁驂駟。特開慶榜飛騰日。再掇巍科貢舉秋。許列鵷班資賞識。偏甘蟻屈勵藏修。浮雲富貴談何易。惜福如君第一流。

賀莊崧甫先生七十

壽域宏開氣象新。華堂同祝百年春。勁如松柏堅如竹。知是崧生嶽降身。披吟大著愜私衷。經濟文章水乳融。後樂先憂誰是侶。范文而後見名公。功成水利邇兼遐。惠澤汪洋及萬家。大德從來臻大壽。後塵應續渭濱車。不壽榮身只壽孤。如天高誼世間無。會當絲繡平原日。積厚流光見此圖。

和江陰蔣月鋤君出險韻

籌算纔逾五十春。登堂相共祝逢旬。箇中日影初當年。大難風聲適此辰。濟變只憐星火急。臨危休計髮膚親。吾儒獨善還兼善。治術由來本性真。

渺渺塵寰事幾經。百般鄉政費調停。干戈徧地懷澄渡。烽火連天記蔡涇。履險越增身世感。居安全仗鬼神靈。蕩瞻時局真多變。翹首穹蒼涕淚零。

世事滄桑每悵然。江河日下水涓涓。榮名豈藉微勞著。壯志多由大力全。奉直禍深沿歲

歲。齊盧戰烈苦年年。乾坤旋轉期朝暮。默視青青白日天。
造福梓桑慶治平。追蹤前哲得齊名。利人志切功無忝。保境心誠事有成。覲破吉凶無擾
擾。證明因果豈營營。文章經濟胸羅富。相對應傾酒一觥。

附原作

伯玉知非又一春。紀時二月正中旬。哀鴻遍野聞呼癸。戎馬臨郊歎不辰。敢竭寸心
維秩序。偏教匕首竟躬親。從茲鄉政推賢哲。願養天年自率真。
鄰境兵船最後經。百般需索費調停。三軍雲集趨江渚。半夜星馳抵蔡涇。突被凶殘
忘疾苦。轉疑呵護有神靈。如何入險仍離險。往事重提感涕零。
劫後追思倍惘然。腰圍流血竟涓涓。撫衷自問無慙忤。盡室偕行幸保全。募地風波
驚此夕。滿城烽火溯當年。人生但得安眠食。何處桃源是洞天。
歷盡崎嶇氣愈平。奚須爭利并爭名。幾人能免無家別。異地倘安夙願成。進退裕如
聊自適。藏修暫息復何營。他時知己相逢日。爲醉蘭陵酒一觥。

賀王文翰母八十代族堯友

麒麟閣下特鍾靈。教養兼施仰婺星。庭桂森森應手植。澗蘋采采幾身經。起家有子心常慰。矢志多年德倍馨。慚愧才疏無表見。一言惟以祝康甯。

溫恭壽母最難親。天祚門庭實有因。萊菴桓車循婦道。柳丸歐荻率天真。凱歌聽唱飛觴日。仙樂欣傳設悅辰。餘慶由來推積善。絲絲福澤頌無垠。

高門樂事異尋常。喜宴宏開樂未央。萱草欣瞻芝草茂。婺星高接壽星光。蓮翻南海人欽佛。桃熟西池母姓王。轉瞬期頤知不遠。滿庭珠玉樂徜徉。

春風搖曳拂瓊枝。正是萱堂設悅時。慈體力采冰貯玉。耆年應並日添絲。瑤階影耀將軍樹。金屋香生壽母卮。一曲霓裳無限樂。衆仙同月下瑤池。

賀族文徵先生

莫將夙疾積心憂。鐵拐名仙世罕儔。盛會特開元月宴。遐齡預計百年籌。晤時常見垂青眼。聚處相驚共白頭。但願先生康且健。八千春復八千秋。

旅夜感懷

瞬息韶華復一周。光陰如箭并如流。置身津浦希微祿。極目鄉關觸遠愁。慣歷風塵同旅

滿。虛延歲月等浮鷗。漫將往事從詳比。不自由中略自由。

贈張課長寓鋒之任天津

蒲柳羞將比柏松。清標高節闢塵封。鋒銛善寓名符實。器第宏張德並容。譽滿京津根宿學。盟尋車笠記芳蹤。勸規仍冀無虛日。側耳晨昏聽鼓鐘。

自述並留別

漫說高風順遇鴻。提撕端藉兩陳公。學使陳公六舟及陳公石蓀青衿一領終如舊。詎許詩文可折衷。

蓬萊形勝自天成。瀕渡重洋險亦平。教授殷殷經四載。萍蹤依舊記東瀛。忝長文山十載餘。光陰如矢歎何如。課餘設計消煩惱。依樣時還讀我書。滬甬由來一脈連。幾多門下慶心田。而今各界從頭溯。盡是翩翩舊少年。登壇兩執副車鞭。時事滄桑屢改絃。立憲終非真面目。當場空付發言權。興言嘉會集同鄉。發展無從獲片長。尸素年餘多抱愧。特開前路讓賢良。京津曾借一枝棲。閒謝如花感不齊。安得金鷄林下唱。一聲啼破夢癡迷。與君同客大江濱。笑語殷殷倍可親。別易聚難今昔恨。光陰猶記歷冬春。